

ادبیاتی

برہمی

دار الفنون

الاسان کتب و مجموعہ

تاریخی ، اجتماعی ، دینی ، فلسفی

آگستوس — ۱۹۲۶



شہزادہ ہاشمی — اوقاف مطبعہ سی

۱۹۲۶

اقوام اسلامیه آنوگرافیاسنه برمدخل

— ۱ —

آنتروپولوژی

اقوام بشریه نك مسلمان كته لری حقنده بیاناته کیریشمزدن اول علی الاطلاق بنی بشره و بنی بشرک انشعاب ایتدیکی باشدیجه عرقلره دائر طبیعیات علماسنك نه یولده ملاحظانده بولوندقلرینه سیر سریع ایله بر کوز کزدیرمك لازم كلور؛ یعنی آنوگرافی حقنده سوز سنویلزدن مقدم ابتدای امرده ماهیت بشریت علمی اولان (آنتروپولوژی) وبعده (آنولوژی) مباحثی اوزرینه نظر مطالعه منزی شویله بر کره چه ویرمك اقضا ایلر .

آنتروپولوژی ، آنولوژی ، آنوگرافی کچی تعبیرلر غربی آوروپا علماسی طرفندن آنجیق بوندن یوزکسور سنه مقدم احداث ایدلمشلردی . مع مافیله بوتعبیرلرک مفهوم فیلیری آره سنده کی حدود - یاقین وقتلره کلتجه یه قدر - وضوحله تعین ایدمه مش ایدی؛ بوجهته آنلرک احتوا ایله دکلری مباحثک تقریقنده خیلی قارغشلق آناری کوریه کلتشدر . باخصوص آنولوژی ایله آنوگرافی بی بر برینک یرنده قوللائق کچی مفهوم خطالری بر چوق آثار محررده کوزه چاربار .

اول امرده نظر مطالعه منزی (آنتروپولوژی) مباحثه چه ویره لم : آنتروپولوژی تعبیری ایکی کلمه یونانیهدن ترکیب ایدرکه آنلرده بشر ویا بنی آدم دییه تعریف ایدیه بیلمن (آنتروپوس) و مباحث معناسنی افاده ایدن (پولوس) لفظلریدر .

لسانمزده بروقتلر (علم احوال بشر) دییه اوزون بر ترکیب ایله افاده ایدلمش اولان (آنتروپولوژی) علی الاطلاق بشریتک ماهیت اساسیه سندن باحثدر و بنی بشرک تاریخ طبیعیسی مقامنده بولونور؛ حالبوکه آنوگرافی بنی بشرک متفرق حزبلرینک احوالندن - و بوجه پیشین سوبله یالم که فی دکل اجتماعی احوالندن - باحثدر . بناء علیه (آنوگرافی) مبحثی (آنتروپولوژی) علمنک بر نتیجه سیدر؛ ایشته بوندن طولانیدرکه (آنوگرافی) ماده سنده آنتروپولوژی مبحثنک احتوا ایله دیکی بعض نقطه لرک تلقیسنه احتیاج کورینور . آنتروپولوژینک غایه تنی بنی بشرک ذی جان و ذی حیات اولان موجودات آره سنده کی

موقعنك تعینى در. بو علم ، انسانك تاریخ طبیعیسی تلقی ایدینجه هم معین و ممتاز بر شخصیت اعتباریله بشرک تکوتی ، ترکیبی ، علامت جسمانیه و ادراکیه سنی موضوع تدقیق ایدر همده بشرتی متنوع صرقلری تمثیل ایدن بر نمونه حیات صورتنده تاقی ایلر و بناء علیه بنی بشر افرادینك جماعت حالنه کیرویده مدینتك نفوذی طولایسسیله تکمله طوغری کیتمه سنی کوسته رر .

آنزوپولوژی بشریتک - بالخاصه بر حیوان اجتماعی صفتنده اولق اوزره - دیگر حیواناته اولان نسبتندن و بنی بشرک تحولات انکشافیه سندن واجناس مختلفه یه اتقسامندن بحث ایدر . ایشه بو اتقسام نقطه سندن اعتباراً (آنزوپولوژی) علمی ساحه بچی کندیسنه برنجی درجهده [۱] متمم اولان (آنولوژی) یه براقور .

آنزوپولوژی بنی بشرک اصلینده کی قدیمی سجالات و تقاویم دوره لرندن پک چوق کیری یه آنا ر و بو اصلیتی طبقات الارض علمی واسطه سیله دخی تعیین ایتمک خادام اولور . آنزوپولوژی اربابی قبل تاریخ شو قدر بیک ییل کی [۲] ماضی ابعده حدونه کلش اولان طبقات ارضیه تحولاتی صیره لرنده بیله آباء بشریتک موجودیتی حقتده اماره لر ، برهانلر تثبیته چالیشور . حال بوکه آنزوپولوژی علمنک ایکی متممندن بری اولان (آنولوژی) اکثریتله و دیگرى اولان (آنسوغرافی) علی العموم سجالات و تقاویم دوره لری داخلنده یاشایان انسان کتله لرینک احوالیله علاقه دار بولونورلر .

بنی بشر - مبادی نشأندن آنولوژینک حدود تلقیسنه یتیشنجه یه قدر - حسابسز بطون و قرونک یا و اش یا و اش ضروری صیره سنده نیجه آلم حاللر ایچنده انکشاف بولوب کیتمشدی .

ایلریله مک ایچون آتمش اولدینی هان هر آدیمه غذا و بقا تأمینى اوغورنده قورقچ بر جدال مستمره معروض قالمشدر . بو یوله حسابسز افراد بشر هلاکه اوغرامش و نیجه انسان زوال بولمشدر . اعتلا حرکاتنده اکثریت اورره اضطراری فدا ئیلکلر ، نهایتسز اضطرابلر وقوعه کلشدر . بر جنس مخلوق دیگر جنس مخلوقک اوسته حرص ایله آتیلمش ، برکتله بشر دیگرینی تسخیره و حق احیایه اوغرامش ؛ ایشه بو

[۱] آنسوغرافی ایکنجی متمم اولور .

[۲] حادثات جهانک زمان وقوعی قبل تاریخ ایسه بیکرجه سنه لک دوره لر ایله ، مبدأ تاریخ ایسه عصرلرجه ، بعدالتاریخ ایسه سنه لرجه اوله رق تخمین و یا تعیین ایدیلور .

بولده بشرک شبه نسناس [۱] بر حالدن قورتیلوبده صیادلق ، راعیلک ، زارعلک ، صانعلق حاللرینی صبره سیله دور ایدنجه یه قدر یوز بیکلرجه سنه لر کچدیکی تخمین ایدیلور .
استطراد :

تکونک - سابسز سنین متقدمه سی ایچنده اصلیت بشرده کی صرف حیوانی انکشافاتک تخمیننی مناسبتیه بر مؤلف [۲] « بشرک یوکسامه سی » عنوانلی کتابنده شو شایان دقت اشارتده بولونیور :

« ... سلسله ده غائب اولان نقطه ارتباطیه یی بر طرفه براقه لمده یالکز شوراسنی سویله یه لم که انکشافاتک افاده ایتدیکی مفهومه کوره انسان - ازلیتده - نسناسلقدن تحدت ایتمش . انسان ایله شکلا مشابه بشر اولان او مخلوقک جد بعیدلری بر ایدی دینیلور . مسئله به صرف مادی بر نقطه نظر دن باقیلده اوه کی بر حالت انکشافه بکده اهمیت ویرلز . باجمله نسناسلرک ، کدیلرک ، کوپلرک ، اینلرک و سائر حیوانات مرضعه نك اسلافنک هوام و حشرات صغیره آکلکی اولان بر حیوان بولوندیغنی بو مناسبتیه برکده تفکر ایتلی . آکل هوام و حشرات اولان اوکی بر مخلوقک بر یوزنده باقی قالان ممثلری کیری و کوسته بک کی بیلدیکن حیوانلردر . انکشافاتک داها کیریسنه کیدیلنجه اواسکی آکل هواملرک - اک بعید ازمان عتیقه ده یاشاوبده بالاخره جنسی منقطع و غائب اولمش بولونان - بعض زحائقدن انبات ایتدیکی و مذکور زحائقک بر بالقدن حدونه کلدیکی کی بر نظریه یه تصادف ایدیلور . بناء علی ذلک بشرک منشأ نك نسناس نوعندن بولوندیغنی ملاحظه ایتک بشرک داها بعید ازمان ایچنده زاخفه دن و آندنده مقدم بالقدن متحدت بولوندیغنی ذکر مرتبه سنده اسنی بر مواصل نقل ایله مک کی برشی اولور ؛ ایدی بر فائده عملیه و مادییه مؤدی دکلدور . هر حالده ییلنه جک برشی واریسه اوده شیمدیکی مدنی انسانک زمان قیده کی یابانی آدمیتدن تناسل ایله مه سیدر . بو جهت مادی بر نقطه نظر دن داها اهمیتلیدر ؛ زیرا او صیاد و جنکجو یابانلر شیمدیلمده مدنی دیدیکمز انسانلرک آباء اولیه سندن ایدیلر . »

بشرک حیوان دکل انسان شکلنده بر مخلوق صفتیه اصلیتی حقنده تدقیقانه بولونان بعض ارباب علمک قولنجه - اک اسکی مدنیت دورندن داها اول باشلامق اوزره - سلسله قدم (مستحانه لرده کی قافا طاس - لرینه و سائر علامه کوره) شو یله جه ترتیب ایدلمک لازم کلور :

سنه

۵۰۰ ۰۰۰

۲۵۰ ۰۰۰

۱۵۰ ۰۰۰

جاواده بولونان نیم بشر نیم نسناس کلاه کیمی

هایده لبرغده کی بشر قافا کیمی

انکلاتر ده بیلت داون نام محلمده بولونان قافا طاسی

[۱] Pithecanthropus

[۲] آلفرد ماچین نام انکلیز مؤالی

- آلمانیاده نیانده زنالده کی قافا طاسی (که یونتولش چاقاق طاسی
 آلاتی وسونمش آتس علامتی ایله برلکده بولونمشدر)
 ۵۰۰۰۰
 فرانسهده قرومایار نام محله بولونان انسان بقیه عظامی
 (که نقشلی بره زارده بولونمشدر)
 ۳۵۰۰۰۰
 Neolethic حجر دورینک الکسوک صفحه سنه مخصوص آلاته مالک انسان ۱۰۰۰۰
 عراقده وسائر دهه کی مدنیت
 ۸۰۰۰۰ الی ۱۶۰۰۰

صرف جسمانی اولوق اوزره بشرک اصلیتنی تشریح ایتمک (آنتروپولوژی) علمی
 ساحه سی داخلمده قالدیفندن او علمک اربابی نبی بشر ایله کوده و جنه نقطه نظرندن
 شبه بشر کی کورینن ذی جان مخلوقاتک تکون عضوی و اشکال فعاله جهتلیله اولان
 مقایسه لرنی اجرا ایدرلر . بونلر اولاد بشرک قافا طاسی داخلمده کی بین ایله نسناس
 اکبرک [۱] باشنده کی عضو ممائی تدقیق ایلرلر و بشرک بیتده کی مغلق و گرفت شراینک
 کندیسنه وجوه رجحان ویردیکنی و زیر بونک انسانلرده کوریلن هیجان مدرکه ،
 فعالیت عرفانییه ، تأمله ، غزیه ، خاطره یه مرکز بولوندیغنی توضیح ایدرلر . بو
 خصوصده کی تحریاتده عام تشریح کندیلرینه معین اولور .

استطراد :

نبی بشرک اصلیتنی تحریده بهیمیت انکشافاتی نظریه لرنک اساس طوتیلمه سنی بعض
 دیندار کیمسه لر یالکیز انسانیتک منزلتی آچالتق کی تلقی ایتمکله قالماملشر وحق بونی
 جناب خلاق متعالم قدرت قدسیه سنی تزییف شکلمده کوسترمشدر . لیکن بو یولده کی
 اعتراضاته ویریلن جوابده دینامشدرکه :

«نبی بشرک بی نهایه تأنی ایله وقوعه کلش اولان صورت تکونی حقدنه کی کشفیات جدیده -
 حکمت خلقتده کی خارقه بی - اسکی زمانلرده تعقل ایدلش اولدینی درجه دن داها زیاده اثباته خادم
 اولمشدر ، فنون جدیده - دنیانک و آنک سکنه سنک تکوناتی جناب واجب الوجود طرفندن نه وجهه
 مراد ایتمکش اولدیغنی - داها واضح صورتده کوسترمکله آنک هنر حکمتنه و قدرت بالغه سنه بزلی اسکی
 زمان آدم لرنن زیاده حیران براقشدر» [۲] .

انکشاف طبیعت ماده سنده خواص روحانییه متعلق برچوق نظریه لر سرداولونمشدرکه

[۱] شیمپانزه ، غوربلا و سائر

[۲] ارباب فنونک جوانی .

بونلر آره سنده فرانسهز طبیعیونندن مشهور (کارفاز) ک [۱] مطالعاتنک انکلین مؤلفی
 «کن (نک) (آنتولوژی) عنوانی کتابنده کوریلن صورتی بروجه آتی نقل ایدیلور :
 (کارفاز) بی بشرک جهان بهیمیت مخلوقاتندن وجوه تمیزیه سی صدندده کتوریلن
 نطق ، قامت اندام ، خواص حساسیت کبی دلیللری برطرف ایدرک یالکز انسانک دینی
 و اخلاق مدرکاتی وجوه تعالیدن صایمش و دیمشدرکه :

« بوتون حیوانات مرضعه طاننده دخی تشریحی [۲] بر تقضو کوریرز ، مثلا انسانده کی بل
 کیکنک عینی باشقه بر حیواندهده بولورز . طامارلده ، سیکیرلده دخی وجوه مماثلت واردرکه بونلر
 بعینه خدماتی ایضا ایدن عضولدره . بونک شاقولیتی وجه فارق صایلماز ؛ زیرا (پن غوون) [۳]
 بو خصوصده انسان کییدر . بشرک خواص تفهیمیه سی زیاده سیله انکشاف بولمش اولقله برابر اوده
 وجوه فارقه دن صایلماز ؛ چونکه بومثللو اوصاف باشقه حیوانلردهده بولونور . ندای نطق دخی
 بروصف میز اوله رق کوسترمه ملیدر ؛ زیرا بعض قوشلر بعض حیوانات مرضعه ناطقه کارانه صوتلر
 چیقارلرکه بو واسطه ایله ایسته دکلیخی یالکز کندی نولرندن اولانلره دکل اشخاص بشریه دخی
 تفهیم ایده بیلورلر . محبت و خصومت کبی قلبی تظاهرات بیه وجوه تمیزدن دکلدر ؛ چونکه بوتظاهرات
 قدرتی بعض قوشلرله ذوی الاربعه حیوانلرده دخی بولونور . جهان بهیمیت ایچون یابانچی و صرف
 انسانه هاند برشی ایله بی بشر کندیسنه خاص بر موقع ممتازده بولونور ؛ شوبله که : بی بشرک سنجیه
 خارقه و ممتازده سی آتک حیر ایله شر ، حق ایله باطل ، معالی ایله مساوی خصوصلرنده کی اعتقاد مختصه
 سنده کوریلور و ماورای بشریتده کی برطاله ، سرائر کائناته مالک بر الوهیته یعنی علوی بر موجودیت
 بر بانییه ایمان ایله مه سنده کوریلور . »

بالاده خاصه نطقیه حقیقده ایدیلان اشارت بزه قدرت تکلم حقیقده بر قاچ سوز سوبله بیچک
 بر فرصت ویرر . او حالده صرف حیوانی بولونان لسان حالدن انسانی اولان لسان
 مقاله دقتیزی چه ویرم :

آنتروپولوژینک مناسباندار اولدینی علملردن بزی ده (علم احوال حیوانات) در . معنایه
 آنتروپولوژی نوع بشرک شعباتنک ایلیک مماثلت ادرا کیه سی خاصه نطقیه ایله تظاهر ایتدیرمک
 صورتیه علم حیوانات ساحه سندن آریلور .

انسان حال طبیعتدن صیریلوب چیقدقندن سوکره ایکی وجه اوزره انکشافه باشلامشدی :
 یعنی متحرک و عملی حیوان حالنده ، دوشویچی حیوان صورتنده . ازمئه قبل التاریخه
 حنسوب اولان بشر آنجاق عملی و متحرک حیوان حالنده کورونمش ایدی ؛ بو ، یالکز بر

[۱] اسم نامی کارفاز دوبره نودر ۱۸۱۰-۱۸۹۲ سنه لری آره سنده یاشامشدر .

[۲] یعنی علم تشریحک تعیین ایتدیکی اشکال جسمیه

[۳] قطب جهتری ساحلرنده بولونور ، طیرانه غیر مساعد ، دیک بوبلی دالغیج قوش .

لکن بشر - یوکسک مرتبه ده برز کاتک یازدیميله - جهانہ حاکم اولمغی کندیسنه حق صاعمشدر م آتشی ایجاد ایدہ رک انجماد دورہ سنہ مقاومت ایتک ایستہ مشن اولدینغی کبی ادوار عتیقه نك بووئک جنبلی آذرهارلینک، دیولرینک زوالرندن سوکره دخی بقا بولمش وداها اووقتلردن معقول حرکتلی برحیوان حالندہ کورومش ایدی . مادامکہ عکسنی مثبت براہین ہنوز مفقوددر، اوحالده بزبشرك داها او دورلده ییلہ موزون نقطہ مالک بولومش اولدینغی فرض ایدہ بیلورز؛ حتی دیبہ بیلورزکہ باجاقری اوستندہ طورہ ییلہ جک برشکل قامت آلدینغی زمانلردن بری برنطق احدائنه اوغراشمشدر .

ینہ بومنا - بتلہ پارس دارالفنونی خواجہ لرندن موسیو (واندری) نك « لسان » عنوانیلہ یازدینغی اژدن شوقرہ نك نقلی خارج صدد دوشمز :

« روحی برنقطہ نظرندن باقیلنجہ فعل اصلی نطق، برمعیندارلق خاصہ سی بولونان شیتہ اشارندن عبارتدر . او معاملہ روحیہ بشرک لسانی حیوانانده کی اصوات نقطہ دن تمیز ایتدیرر م مع هذا بولری یکدیگریلہ مقابسه ایتک ونطق حیوانانہ طبیعی ولسان بشرہ صنعتکارانہ دیک طوغری اولماز ؛ بشرک لسانی نطق حیوانانندن داها آز طبیعی دکلدر ؛ آنجق آندن شووجهلہ بر درجہ یوکسک بولونورک : انسان اشارتلرہ بر « مقصد » قیمتی وپردیکندن نطقی مقتضای مراسمہ کورہ بی نہایہ تنوع ایتدیرمکہ قادر اولور . بناء علیہ نطق حیوانات ابلہ لسان بشر آرمسندہ کی فرق، اشاراتک ماہیتی تقدیر صورتیلہ حصولہ کور . »

آنتروپولوژینک علاقہ دارانغی - خاصہ نطقیلہ نك تولداتندن بولونان - ترتیب لہجہ وانشای کلامہ قدر شامل اولماز . لسان مبحثی آنتروپولوژینک براقدینغی صفحہ دن اعتباراً (آنتولوژی) کندی عہدہ تذکرینہ آلور .

* *

موضوعمژک مدخلندہ آنتروپولوژی علمنہ متعلق برقاچ اساسلی نقطہ یہ اشارتدم بولونمقلغمز بو علمک کرک آنتولوژی یہ وکرک آنتوغرافی یہ زمین بحث حاضرلہ سسندن طولاییدر . فرانسدہ (آنتروپولوژی) تدریساتنک مؤسسہ بولونان (بروقا) [۱] بو علمہ « انسانیتک تاریخ طبیعی » اسمنی ویرن ذاتدر . آندن سوکرہ بعض علما بوکا « بشرک تدقیقی » کبی کدیش وشموللی معنالر عطف ایشلردر . بوندن طولای آنتروپولوژینک برچوق علملر ایلہ علاقہ دار بولوندینغی استدلال اولونور . مثلاً شو علملر آنککہ مناسبہ تداردرلر : جسم بشرک صورت ترکیب و تشکلی کوسترین علم تشریح ، فیزیولوژی ، علم حیوانات ، قبل تاریخ دورلرک حادثاتی نثینہ معین اولان طبقات الارض عامی ، بعدالتاریخ زمانلرک وقایعی تعینہ مدار اولان آثار عتیقه مبحثی ، الخ .

[۱] اسم نامی (بول بروقا) در؛ طبیعیونندن اولوب ۱۸۲۴-۱۸۸۰ سنلری آرمسندہ یاشامشدرم

قاج آلت یامق اوزره آلربی ایشله دیر ایدی . لکن دوشونجی حیوان صفتنده ابتدا سوبلنه جک لفظ وبلاخره یازیله جق کله لر احدانه باشلادی . لسان - که « اصول اشارات » دییه تعریف ایدیله بیلور - بوصورتله تحصیل ایدر اولدی .

لسانک - داها طوغرییی تکلم مسئله سنک - اصلیتی بنی بشرک وهیئت اجتماعیته نك اصلیتی ماده سنه مر بو طدر و تاریخ انسانیتک مبادیسنه راجعدر . انسانک بینی انکشاف ایتدیجه وهیئت اجتماعیته حالی تکون ایله دیکه لسان دخی انکشاف بولمشدر . اصول اشارات انسانلر آره سنده طوبایجه یاشامق حالی ایله تأسسه باشلامشدر . شپه دن بری اولدینی اوزره ماضی بیعدک الابدائی افراد وحشیه سی بیله نوعماطوبلیجه یاشامق میلنه تابع قالمشدر . سطح ارضک آئنده کشف ایدلمش اولان آثار بشریت قیاسی انسانک اصلیتک قبل تاریخ دخی مجتمع بر شکلده بولونمش اولدیغنه دلالت ایدر و فی الواقع بنی بشری دیگر ذی جان و حیات مخلوقادن اساسیجه تفریقه مدار اولان تمایز ادراکی و التزام تماس کی علامت هب جامعیت صورتیله وجود بولش وبالخاصه دیگر ذی جان و حیات مخلوقاتک فوقنده بنی بشره بر موقع ارجحیت بخش ایدن نطق شپه سنز حال اجتماع ایله محدث ایله مشدر .

نطق قدرتیجه کوسته ریلن انکشافک انسان ایچون بروجه تمیز حصوله کتورمش اولدینی بدیهیدر . بالاده فاقیت روحانیه بخی مناسبته اسمی کچن (کار فاز) پک طوغری بر ملاحظه اولمق اوزره بعض حیوانانده کی صدای تبلیغی نطق دکل ناطقه کارانه برسس اوله رق توصیف ایتشدر . مشابه نسائی صاییلان اک اسکی مخلوق بشرک قافاطسانک تدقیقنده بولونمش اولانلر او قافانک یوزطر فلرینک نطق ایچون بالخاصه معدل اولدینی کورمشدر . [۱] بناء علی ذلک الابدائی فرد بشر بیله ناطقه سنز دکلش ؛ شو قدر وارکه شخص ابدائی نطقی داها آز صورتده منفصل وموزون بولونیورمش .

اوقسفورد دارالقنونی اجتماعی آنتروپولوژی معلمی (مارهت) (آنتروپولوژی) عنوانیله یازدینی بر اثرده دیورکه :

« بشرک وجه فارقی - یعنی باشقه جنس حیواناندن آتی تفریقه مدار اولان وصف - شپه سنز آنک موزون ومرتب نطقه اولان قدرتیدر . بو وصف طولایسیله درکه ذهن دخی شکل موزونیت آلور . اگر لسانی، عرفانک خلق ایتدیگی برشی صایمه قرار ویرایسه ک - بوندن داها آزاسلی بر حکم اوله مه به جنی اوزره - عرفان دخی لسانک خلق ایتدیگی برشیدر

[۱] اک زیاده حال ابدائیده قالمش ، چه لری زواله محکوم دینه جک درجده غیر منکشفه . بولری آلتی یابانی طوائف افراددن برینک بین جهازلرینک نسانس اکبره منسوب بر حیوانک اعضای ممانه سنه نسبتله چوق بویوک وچوق منکشف بولوندینی عندالتحقیق آکلاشامشدر .

کورینوردی و بو بایده کی اشتباهه اک زیاده فرانسیزجه اوله رق یازیلان آمارده تصادف ایدیلوردی و حالاده بو اشتباه بعض مرتبه مشاهددر [۱].

انکلیز علمای طبعیاتی بویکی علمک مبحثلری آره سنده کی حدودی وضوحه تعیین ایلرلر .

آنتولوژی تعیری احداث ایدنلر آنی ایکی کلمه یونانیه دن ترکیب اتمشلردر که بونلرده : ناس ، خلق ، امت ، قوم کی معنلره کلن (آنتوس) ایله مبحث ، کلام معنالیله تفسیر ایدیلن « لوغوس » سوزلریدر . آنتولوژینک معنای لغویسی آ کلامق ایچون آله کی لغتله باقم : فرانسیزجه لغتلردن بری آنی شویله تعریف ایدیور : « آتروپولوژینک مختلف بشری قلمی تشکلاتندن و بی بشرک اوصاف جسمانیه سندن باحث اولان شعبه سی . » انکلیزجه بویوک محیط المعارفده ایسه شویله توصیف ایدیلور : « کرک آنتولوژی کرک آنتوگرافی اولیله علملردر که بونلر - اک محدود معنلرنجه - عرقی واحد قیاسی اولق اوزره بشریتدن یعنی بی بشرک عائله و عشیرت منزللری طریقلریله حیات عرقیه به طره ی انکشافدن و بویله چه تشکل ایدن قوملرک کره ارض اوزرنده کی وجه توزیع اتندن بحث ایدرلر . » فقط بویله برتوصیف عملی نقطه نظر دن باقیلنجه آنتوگرافیدن زیاده آنتولوژی به عائد کورینور . آنتولوژی بی بشری آتروپولوژینک بر اقدینی نقطه دن آله آله رق بشرک ترقیات انکشافیه سنک تتبعه خادم اولور .

اولجه ویرلمش اولان تفصیلاتدن منقهم بولونه جفی اوزره آتروپولوژی علمی بشرتی - موجودات حیوانیه ایچنده - بر واحد قیاسی صفتیله تبعه دائردر . حال بوکه آنتولوژی بی بشری عرقی واحد قیاس اوله رق تلقی ایدر . بویکی مبحثک حدودلری تعیین ایچون شونقظه نظر دفته آلیتمق لازم کلور که آتروپولوژی به (علم احوال بشر) کی شموللی بر معنی عطف ایدلد کده بو علمک بشریت حقتده کی کافه معلومات ایله علاقه دار بولومنه سی ایچاپ ایدردی ؛ حال بوکه معلومات بشریه دائماً متوسع بولوندیغندن آنک توسعی نسبتده شعبات مختلفه نك آرتمه سی ضروریدر . بناء علیه آتروپولوژی یالکیز نفس بشرک جهان حیوانیت اعضاستدن بری اولق اوزره تبعه منحصر قالدور و بشریت مسائلی آنحق جسمانی برجهتدن تلقی ایلر . حال بوکه (آنتولوژی) اومسائلی هم جسمانی هم ده روحی نقطه نظر لردن تلقی به دائر بولونور و موضوعاتنده آتروپولوژینک علم تشریح ایله مناسبه دار بولونان اساساتندن استعاره ایدر .

[۱] بزده دخی فرانسیزله اتباهاً بوخطا وقوعه کلکده در .

خلاصه کلام : آنتروپولوژی علمی تتبع ایتمک کره ارضک ممکن مرتبه هر جهتده نی بشرک تاریخ ماضیسنه و وضعیت حاضر سنه تعلق بولونان مشاهداتک جمعیه بشریته دائر معلوماتی تزید و ترویج ایله مک دیکدره اوبانده کی مساعیده بشریتک تاریخیه افرادینک انکشافات ترقیجویانه به ومدینته اولان قابلیتلرینک قابونی تنویرایده بیله چک هر شی اوزرینه شدت دقتله تحقیقاتده بولونمق اقتضا ایدر .

ایشته بوقدر مختلف مباحث فیه وعامیه ایله علاقه سی بولونان آنتروپولوژی به متعلق داها زیاده سوز سوبله مک معلومات اختصاصیه به توقف ایده چکندن بزم صلاحیتمزک خارجنده وداها طوغریسی اقتدارمزک بوسوتون فوقنده بروظیفه اولور .

* * *

آنولوژی

— ۲ —

بشریتک انکشاف اصلیسنه و جهان حیوانی ایچنده کی مناسبانته قیصهجه برکوز کزدیردکن صوکره آرتق نی بشرک صورت انقسامنه دائر بر فکر ایدنیمکه چالیشم . اول امرده شوراسنی قیدایده لم که بوراده کی سرلوحه مک علی الاطلاق (آنولوژی) اولدیغنه و نی بشرک طوائف متنوعه به صورت انقسامنی تحقیق ایده چکنمه اشارتده بولونمقغمزه باقرق آنولوژی بحثک تدقیقانه کیریشه چکنز آکلاسیلماملیدر ؛ زیرا اویله بر نشبت بودرسک مقصود اصلیسندن خارج قالور ؛ وهمده آنتروپولوژی کی آنولوژینک دخی دائره بحثنه کیرن (مونوژنیزم) یعنی انسانلرک برکوکدن اوره یوب اوره مدکلری مسئله سی و (پولی ژنیزم) یعنی اولاد بشرک باشقه باشقه کوکاردن انشعاب ایدوب ایتمه مدکلری نظریه سی کی ده رین بحثله کیریشمک اختصاص صاحی اولان ارباب قه عائد وظائفندر [۱]

انتروپولوژینک ایلمک متممی (آنولوژی) اولدیغنه دائراولجه بر اشارتده بولونمش ایدک . برزمانلر (آنولوژی) ایله (آنوغرافی) نی چوقی کره بر برینک یرنده قوللانانلر

[۱] (مونوژنیزم) و (پولی ژنیزم) بحثلری حقتده کی نظریه لری اورته به قویانلراون سکزینجی قرن میلادی طبیعیونندن (بلومه نباخ) اون طقوزنجی قرن علمای طبیعیاتندن فرانسز (کاترفاز) وانکلیر (پریمارد) ومشهور (داروین) دلر . (کین) کی مدققین متأخره (پولی ژنیزم) ذهابنی قعطیته رد ایدرلر .

عین لسانک وحدتی آلتنده زیاده سیله مخلوط اولمش عرفلرک مستور اولدیغنی کوریرز . فرانسه ده برفرانسزک تابع بولوندیغنی احوالک عینی وجهله بییشدیرلمش برنجی ویار جاپونیالی چوجفی فرانسیزجه بی سملکتک برلیسی کی تکلم ایدر . یالکز بو حقیقت بیله عرق ولسانی آهنگدار کوسترمک تشبثی حکمدن اسقاطه کافیدر .

متن مدخلک برنجی قسمندہ نطقک اصابتی مناسبتیله اسمی کچن انکلیز مؤلفی (ماردت) دخی (آنترپولوژی) عنوانلی کتابنده ینه عرق ولسان ماده سی مناسبتیله دنیورکه :

« کیتدیگه توضیح ابتدیی اوزره عرق ایله لسانک برلنکده کیمه سی لازم کلن . مثلا شیمدیکی فرانسز اهاالیسنگ تدقیقاتی اجرا ایدیلورسه بونک اکثریت عظیمه سی قان رابطه سی جهتیه اسکی (غولوا) خلقتیه منسوبدرلرکه بوخلق - رومالیلرک حکم فالحالینه کیروبده قایا طرزده برلاتینجه لهجه اتخاذ ایدنجه یه قدر سه لیتیق (یاخود که لیتیق) دینیلن جنسدن برلسان قوللانورلردی . خلاصه عرقلر قایناشوب مخلوط اوله بییلورلر؛ فقط لسانلر - بعض احوالی استثنائییه بر طرف - اوله قولایقله قایناشه منرلر . »

کذلک لسان و عرق خصوصنده کی هم آهنگلی قبول ایتمه ین علمایه کوره فتوحات استیلاری ومهاجرت آقینلری کی وقایع لسانلرک تغیرلینه وحتی زواللرینه بادی اولان حالات مؤثره دندرلر . علی الخصوص غالب و بناء علیه حاکم اولان مانلر مجبور تابعیت قالان قوملرک مذهب لرندن داها زیاده لسانلرینی عوامل مقاومتدن صایه جقلرندن آنلرک لسانلرینک زوالی ایچون اوغراشورلر .

علم اجتماعیات علماسندن آمریقالی (میللر) نام ذات : (عرقلر ، مانلر ، صنفلر) عنوانلی کتابنده دیرکه :

« برخلق ، لسانی - علامات ملیه دن اولتی اوزره - مذهبن داها وجدانی صورتمده التزام ایدر . دیگر طرفدن دخی برمت حاکمه تک تجربه دن کچوردیکی مسلک ره دقت ایدیلورسه آنک اقوام تابعه مذهبلرینه توجیه هجومی مقصد اتخاذ ایتمه دیی کوریلور . لکن لسان حقنده طوغریدن طوغری به هجوملر وقوعه کلور . حدود حاکمیت ایچنده عموم ایچون برلسان بولونمسنک واسطه وحدت و متخالف لسانلرک موجودیتنک بره لکه افتراق اوله بیلمه سنده کی بداهت حزب حاکمیتی احزاب تابعه تک لسانلرینه هجومه سوق ایدر . بناء علیه بونکی عوامل سابقه ایله لسانلر یالکز تغیره دکل حتی زواله بیله اوغرارلر . »

بوراده موضوعمزک مقصدندن بکنده اوزاق صایلمیه جق برقره استطرا دیه قید ایتمک ایسته رم . اقوام اسلامیه آره سنده کندی لسان حاکمیتک ترویجی سایه سنده کندی طرفه عروق سائرده دن برجوق افراد الحاق ایدنلر عربلر ولسان خصوصنده بومسلك التزامه کافی درجه ده اهمیت ویرمه ینلر تورکر اولمشدی . تاریخک آنوغرافی به تعلق ایدن تحقیقاتندن ثابت اوله جتی اوزره هندستان ، افغانستان ، ایران ، استیلا ایتمش اولان تورک عرقه منسوب بونجه افراد کندی آنا دیلارینی غائب ایتمش لر دی . بو حادثه نطقیه برلسانک وصف

خلاصه : آنتروپولوژی دها مختص و دها فنی بولوندينی حالده آنتولوژی دها شمولی و دها عمومی مباحثی احتوا ایدر . بونلرک ایکیمی ده لام و ملزوم قیلندندر . [۱]
ایشته بویله جه بی بشر احواله دائر اولان تبعانک بعضیسی تقسیم اعمال قاعده سنه مطابق صورتده آنتولوژینک ساحه تلقیسنه بر اقلمشدر . بی بشرک هر بقسمی - اوصاف روحیه و ذهنیه جه - دیگر لریدن مخالف ایندیکنندن بشریتک مختلف خزبلرینک بر برلیله اولان مناسبتلرینک تدقیق لازم کلور ؛ بویسه آنتولوژی به عاندر .

بیانات آتفه دن استدلال ایدیله بیله چکی اوزره (آنتولوژی) انسال بشریت حقیقه .
اک واسع واک شمولی صورتده کی تدقیقانه ویریلن براسم عمومی حکمنه در . ایشته بوسعتلی ملاحظاتدن طولاییدر که برچوق محرر لر آنتولوژینک دائره شموله آثار عقیده ، صنایع نفیسه ، جغرافیا ، علمه ، کنیه ، اساطیر ، مناقب کی مباحثه و کذلک مذاهب ، معماراق ، زراعت مباحثی ایله لهجه و اشتقاق علملرینه و خلاصه انسانک علی الاطلاق مادی و عرفانی انکشافانندن هان هپسنه تعلق ایدن موادک ادخالنی التزام ایشلردر . لکن سنین اخیرده تک تدقیقاتیله ثابت اولدینی اوزره آنتولوژی - عملیات جهتیله - اولاد بشریتک کچوردیکی منازل حیاتدن آنجق بعضلرینی موضوع بحث ایدر .

آنتولوژینک دائره شموله ادخال ایدیلن مباحثدن لهجه ایله اشتقاق بوراده بالخاصه قیده شا ایدر لر . بالاده لسان مباحثی آنتروپولوژینک بر اقدینی صفحه دن آنتولوژینک عهدده تلقیسنه آلدیغه دائر بر اشارتده بولونمش ایدک . واقعا علی الاطلاق نطق آنتروپولوژی به عانده اولدینی کی لهجه و اشتقاق مسائلی ده عرق مسائلی ایله علاقه دار بولوندقلرندن آنتولوژینک ساحه بحثه کیر لر . مع مافیله بی بشری لسان دلالتی وجهه عرقلره آیرمق اصولنی طوغری بولمایان علما آزدکلدر . بونلردن بوبوک واک یکی بر ارضاحی بولونان فرانسز پروفه سورلرندن (واندری) « لسان » عنوانلی کتابنده دیرکه :

« لسانک تحول اشکالنده تبدلات عرقه تک اجرا ایندیکی تأثیر هر نه اولورسه اولسون عرق و لسان تبدلاتی ملاحظاتک بر برینه باغلی اولدینی اساسی تثبیت ایدیله منر . ارثی اولان سجایای غرقیه بی لسان ، مذهب ، حرث عرفانی کی - زیاده سیله قابل نقل اولان و تحویل و استعاره ایدیله بیلن - مؤسس شیلر ایله قاریشدر پرماملیز . اوروپانک شیمیدی خریطه السنه سنه بر کره نظر منزی عطف ایدر سه ک

[۱] آنتروپولوژی و آنتولوژی مباحثلرینک تدقیقانه متوازیاً چالیشمق اقتضا ایندیکنندن طولای اولق کر کدر که انکترده مقدا موجود اولان آنتروپولوژی جمعیتی ایله آنتولوژی جمعیتی ۱۸۷۱ سنه سنده توحید ایدلمش و ایکسنکده وظائفی بر فرمان قرالی ایله (آنتروپولوژی مؤسسسه بی) عنوانی آلتنده ایشله بن بر هیئت علمیه به تودیع اولونمشدر .

قرون وسطان بری وقوعه گلمکده در . حتی بعض مؤلفر داها ایله بری کیده رک یونانی (هه رده دوت) ی اوباده کی تقسیمک برنجی مؤسسسی دیبه توصیف ایدر لر . هه رده دوتک تقسیمانده اتحاد ایتدیکی اساس صرف بدیدر . آنک قولنجه بعض معار که میدانلرنده قالان مصرلی و ایرانی مقوللرک کله لرین تفریق ممکن اولورمش ؛ زیرا مصر ایلرک قاقالری داها آرسهوانته قیریلورمش .

عرقلرک تفریقده لسانیاتی بر معیار تاقی ایتک - که اعتباردن خیل ساقط بر قاعده در - اسکی یونانلیلر دورنده تأسس ایتش دنیلور .

ایسای بشرک داها فنی و داها دستوری تقسیمانه تابع طوقلمسی اون یدنجی قرنک صوکلرندن بری واقع اولمغه باشلامشدر . بوباده اورته به سوریلان نظریه لری تدقیقه قالیقیشور ایسه که مواجیه مزده ایچندن قولایقله حیقله میه جق بر کرداب مباحث پیدا اولور . علمانک مدعیاتی آرسنده کی تعارضلری وحقی بعضاً بر تک عالمک بیله کندی دلانلی آرسنده کی تضاد آتاریخی کوردرک انسان شاشیر . آتروپولوژی مباحثک دائرة تذکرنده بولونان قاقا طاسی بیجیمی ، ده ری رنگی ، بوزونک شکلی ، صاچک وصفی کی شیلرک علامات عرقیدن صایلدیغنی و کذلک آنتولوژی علمنه غانددقیقتان بولونمق اوزره یالکزر لسانیاتک دکل اوصاف ذهنیه نک دخی عرقی قرابتلره معیار طوتلدیغنی کوریرزه بلومه ن باخ ، (۱) هه یکل (۲) بروقا (۳) کوری به (۴) ها کسلی کی علمانک نقاط مطالعاتی او کریمک بودرسک داخله کیرمن . بز آنجق عرقی تقسیمات اساسیه ماده سنده الک بسیط و الک معروف برجهتی ملاحظه ایتکه حاجت کوریرزه ک اوده نه تیپوی ، مغولی ، قفقاسی کی صرف اعتباری عنوانلر آلتده ذکر ایدیان بشریت کوکلرینه مستند تجزیات نسلیه در .

آنتولوژی حقتده یک شمولی معلومات علمیه و فنییه حیوی بر اثر صاحبی اولان انکلیز مدقتی (کین) بشریت کوکینک شعباتی دیکیلی آغاجلر شکلنده تصویر ایدر و شجره

- ۱ — آلمان طبیعیونک پیری کیندر . ۱۷۵۲ - ۱۸۴۰ سنه لری آرسنده یاشامشدر . اجناس بشری سیاه ، بیاض ، صاری ، قیرمنی کی رنگلر اوزرینه تقسیم ایله مشیدی .
- ۲ — جرأتکار انقلابچی نظریه لریله مشهور اون طوقوزنجی قرن آلمان طبیعیوندن .
- ۳ — اولجه ذکر اولوندیغنی اوزره ۱۸۲۴ - ۱۸۸۰ سنه لری آرسنده یاشامشدر . فرانسه دم آتروپولوژی تدریساتک مؤسسسی .
- ۴ — مقایسه تشریح و مستحاثه حیوانی متخصصی ، ۱۷۷۳ - ۱۸۳۸ سنه لری آرسنده یاشامشدر .
- ۵ — تحولاتنجی انکلیز طبیعیونک مشهورلرندن ۱۸۲۵ - ۱۸۹۵ سنه لری بننده یاشامشدر .

غالب ویا وصف ضعیفنه اسناد ایدیه بیلور. مع مافیہ تنبیه دخی عطف اولونقی جائزدر. عثمانلی دورینک اؤ قوتلی زمانلرنده بیله تورک امراسی حتی مرکز حکومتده بیله مواجهه لرنده بولونان طوائف تابعه یه تورکجه بی لسان جماعت اوله رق قبول ایتدیرمک وجیهه سیاسیسنه اهمیت و پرهمه مشلردی . بوندن طولای غریب آوروپانک قلمبرینی تورکر علیهنده قرون وسطائی سوء ظنلردن قولایلقله تجرید ایدمه من برخی ازیاب علمی تورکجه نك انکشاف عرفانی یه غیر مساعد بر دیل اولدیغی نظریه سقیمه سفی ایلری سورمشلردر . بوکامثال اولمق اوزره بالاده اسمی کچن پارس دارالفنونی پروفه سورلردن موسیو (واندری) نك (لسان) حفته کی کتابندن شو عجیب سوزلری ارانه ایدلم : بو آدم دیورکه :

« روملرک کندی لسانلرینی فدا ایله متفر بولوندقلری فاتحلرک قونوشدقلری لسانی قطعاً اتحاد ایله ملرندن طولای روم دیلی عصرلرجه محفوظ قالمشدر . تورکجه هیچ بروقت روجه نك برینی طومغه قادر اوله مشدر . متحکم لرک لسانی یالکز مقتضیات اداریه ده جای استعمال بولمشدر . بزلسانک شانی آنجق آنک قیمت ذاتیه سی حسبله موجود اولور . روجه ده بو قیمت بولوندیغندن تورکجه نك قیمت اساسیه سنه زیاده سیله فائدر . فاتحلرک دیلی بولونان تورکجه هیچ ده حراثت عرفانی ملی برلسان دکلدر و بنا علیه کندیسندن بیگ قات داها زیاده حراثت عرفانی سی بولونان روجه ایله موقیت اوزره رقابت ایدمه مشدر ، [۱]

شیمدی صد اصلی به کله لم :

بخی بشرک تجزی عرقی و تقسیم قومیسنی اجرا ایتمک طولای بیله آنولوزینک ساحه تدقیقاتنده بر جوق نظریات و نقاط نظریه تضادلری میدانه کلور . بوا یسنه طبعی مسئله عرقیه به بر غیر ناسک شکلنی ویرر . انانی بشرک علمی صورتده تقسیمه ایدیان تشبیلر

[۱] بوکی مدعیات افرنجیه نك حصر لفتنک محاکمه سفی بر طرفه بر اقلده ماضینک بزه بعد مدارس عبرت اولوب اوله یه جتی ملاحظه ایدلم . غیر مسلم اقوام تابعه بندنه دکل حتی کندی جماعت قومیه سنه اسلامیتک نفوذ مزجیه سفی طولای بیله منظم اولغه مستعد بروضیته کیرمش اولان - تورکک غیری - افراد مختلفه یه بیله لسانی قبول ایتدیره جک تشبثاده بولونمایان اسلافی مواخذه ایتمه مک قابل دکلدر . شیمدیده لسانک صورت تجرینی آنا رشی به صو قائلر مزدن بعضری انکشاف لسانی نك آنجق لاتین حرفلرنک قبولی ایله ممکن اوله جفته دائر مغالطلی ملاحظاتی متصل اورته یه سور یورلر . برلمک ایچون ترقیسنک اوزته سنده ایکن عصرلرجه کندیسنه مال ایدیندیکی الباقی آتوب برته داها مناسب دییه تحیل ایدیان دیگر برالباقی اتحاد ایله مک منطقک ، عقلک ، علمک دائره لرینه صیغمایان برشی اولور . همده یکیدن حروف اتحادی هنوز حال ابتدائیه بولونان قومله یاقیشور بر حال اولدیغندن بزم ایچون دلدر .

عرقلری غائب اولان اهالی اصلیه اکر قدیم مغوللرک اجداد اوله سی اقسامندن صاییلور ایسه لر بونی اثباته مدار اوله جق دلیل علمیلر هر حالده ضعیف کورینور . اوتقدیرده آمریقا و آسیانک مغولی عنوانی آلتنده کله یلین کتله لرینک انقسامی تخمیننی محال اوله جق قدر اسکی بردوره تحولات ارضیه ده وقوعه کلمشدر دیمکدر . مؤلف (کین) انکلیزجه مشهور بو یوک محیط المعارفه (آمریکا ایندیالیلری) [۱] عنوانی آلتنده یازدینی مقاله ده « آمریقایه بی بشرک آسیان کچمش اولدینی حقتده کی دلائل نه قدر قوتلی صاییلورسه آنک آسیایه آمریقان کچمش اولدینی حقتده سردایدیله یله جک دلائلک دخی اونسبتده مسموع اوله سی لازم کور ، دیمشدر .

بی بشرک تقسیمات اوله سی صد دنده ایدیلن بویانات مناسبیله فرانسزجه لهجه قون محرولرندن رینک شوسوزلری ذکره ده کر: « بی بشرک عرقلری اختلاطلردن ، مهاجرتلردن طرلابی جغرافیا نقطه نظرندن باقیلدجه ترتیبات انسالیه عرض ایتملر . آسیا قطعه سی کبی آوروپا قطعه سنده دخی آتایی طوائف کورولمش ، آسیا کبی آفریقاده دخی انسال سامیه منسوبینی بولومش ، آسیا کبی اوقیانوس الکلرنده دخی احزاب زنجیه یه تصادف ایدلمشدر . ینه بو مناسبتله اون سکزنجی قرنک فرانسز علمای طبیعیونندن مشهور Buffon نک [۲] بوتقسیمات خصوصنده کی عسرته ایماء سویله دیک شوسوز شایان دقتدر : « انسانک جنسلری ، ترتیلری ، صنفلری آنجق خیالاتمزه قطعیتله موجوددر . »

تدقیقات متأخره بوفونک بومستزایانه ادعاسنک بطالانی اثبات ایده جک بک چوق حقایق میدانه کتورمه مشدر . فی الواقع احتلاطلر ، امتزاجلر ، استیلار ، مهاجرتلر طولایسیله یکی اقلیملرک احوال متضاده سنک ویکی اصول حیایه ده کی مخالفلرک ، یکی جواریتلرده کی اشکال متباینه نک عرقت متقدمه اوزرنده وجوده کتوردکلری تبدلات ایله بی بشر کتله لرینک قطعیتله تصدیقنده بو یوک معاقبتلر حدوشنه سبب اولدقلری بدیهدر .

استطراد :

آوروپانک مختلف لرلرندن یکی دنیا یه اوتدن بری مهاجرت آقینلری وقوعه کلدیکی

[۱] « ایندیالیلر » تعبیرونک غریبه کی وجه معنایی حقتده کوچوک لاروس دیرکه :

Christophe Colomb' abondant en Amerique, crut decouvrir un prolongement de l'inde' ce qui fit donner le nom general d'indiens aux peuples indigenes des deux ameriques. ils forme le fond de la race rouge.

[۲] Buffon متفنن، متفکر، محرربلیغ البیان اولقله شهرتشاردر ۱۷۰۷ - ۱۷۸۸ آره سنده

طشامشیدی .

بشریتدن مثلث قوللر چیقارار و هر قوله شعبات عرقیه بی مثل دالر و فروعات نسایه بی حاری چو بوقلر چیزر . علم احوال بشرک علم طبقات الارض ایله اولان مناسبات اصلیه سنه دائر بلاده بزاشارنده بولونمشیدک . ایشته قطعات و ساحات ارضیه نیک بک اوزون عصرلر سورن تحولات عتیقه سی صیره لرنده یعنی قاره لر صولره باتوب چقدینی و اولجه متصل بولونان قطعه لر انفکاک ایستدیکی و بناء علیه اقلیم لر ده کیشدیکی دوره لرده نوعا متشابه النوع بولونان نباتات و ایاجناس حیوانات مثللو [۱] کره ارض اوزرینه متصل سرپلوب طاعیلان مختلف بی بشر عرقلری آره سنده دخی بونجه فروعات انسالیه وجوده کلشدر .

اولجه ده اشارت ایلدیکی اوزره بی بشر عرقلری عمومی بعض عنوانلر آئنده تقسیمات اصلیه به تابع طوئش لر درر . نه تیوبی ، قفقاسی ، مغولی کبی فقط بونلر اعتباری تعبیرلر درر . مثلا قفقاسی سوزی بزم بیلدی کمز قفقاسی الیرک اجداد اولیه سی افهام ایتمز . آلمان طبیعیونلر دین برینک آنتروپولوژی تدقیق آئنده بولوندی صیره ده بوتعبیری بی بشرک بک مهم و بک بویوک قسمنه ویرمه سیله حصوله کلشدر . کذلک (نه تیوبی) - که حبشی دییه لسانمزه ترجمه ای دیله بیلور - یالکز بوو یا شو آفریقا طائفه لرینه دکل دنیا ک زنجی و شبه زنجی صاییلان نیجه طاعیق عرقلرینه ، نسلرینه شامل اولور ؛ و کذلک مغولی اسمیه یاد ای دیله بیلان عرقلر - که یالکز بزم بیلدی کمز و بعضلر مرکز نسلر بی اسناد ایستدکری مغول طائفه سی دیمک دکلدر ؛ طبیعات عالم لرینک لاینجه اوله رق Homo Mongolicus دییه افاده ایستدکری سوزک مقابیلدر که بک طاعیق فروعات عرقیه تمیل ایدر . باشلیجه لری تاناری ، تپق هند چیفی ، اوقیانوسی اولق اوزره توصیف ای دیلورلر .

تاریخ مدنیتجه اک مهم بشریت دالی اولان قفقاسی ایکی اصلیه تابع طوئش و بونلردن برینه آچیق بیاض Xanthochroi دیکرینه قویو بیاض Melanochroi اسمی ویرلشدر [۲] ایلریده اسلام کتله لری بختنده ایلک نظر دقتمز ی جلب ایسه جک اولان سامی و حیطی عرقلری قفقاسینک قویو رنگلی شعبه سنه منسوب صاییلورلر .

بعض مؤلفلر بشرک احزاب اولیه سی آره سنده برده آمریقا حزبی ذکر ایدرلر که بوکا مغولی آمریقای دخی دینیه بیلور . آمریقا ایکی دنیا شکلنی آلدقن صوکر یا و اش با و اش [۱] آسیا - آفریقا ، آوروپا - آمریقا ، آفریقانک جنوب شرقیسی - هندستان ، آسیانک جنوب شرقیسی - آوسترالیا و بویوک محیطلر ده کی قطعات آره سنده بوقیل تحولات ارضیه وجود بولمش

[۲] انگیز علمای طبیعیونلر ما کسلی نیک احداث ایله دیی تعبیرلر درر .

آسیانك شرقی و شمال شرقی جهتلری و آمریقا قطعہ سی - کہ بونلرک نقاط متقاربه سی
 يك اوزاق برماضیده ملاصق فرض اولونیدی اوجہ سویلمنشدی - مغولی کو اكدن صاییلان
 طوائفه سکنا اولمشیدی. بو طوائفك دخی برعابله السنهك متعدد شعباتی استعمال ایتدکاری
 ظن ایدیلور .

بر قسم کثیرینه زنجی دینان اسودی طائفه لر آفریقا ایله اقالیم حاره دن بولونان ممالک
 متعدده یه سر پیلمشدر. بونلرده باشقه باشقه اضلاردن صدور ایدن وسائط تکلمه مالکدر لر.
 قفقاسی عنوان عمومیی آلتنده معروف اولان بشریت کو کینک شمالیسی ایله اسودی
 کو اكدن کلنرک مکانلری آره سنده کی ممالکده ساکن اولاد انسانده (قفقاسی جنوبی)
 ویا (بحر سفید عرقلری) اسمی ویرلشدر . آیری آیری دالره انشعاب ایدن بو قسم انسانی
 منسوبلرینک دخی آیری آیری لسانلری بولونمشدر . بونده اوجله بیان ایتدیکمز قویوبیاض
 Melanochoroi نامیله معروف اجزاب بشر داخلدر . (خمیطی) وسامیه صنفلرینه منسوب
 اولان قوملر بومیانده داخل بولونورلر .

سومعیدار سوز (آنتولوژی) مبحثی مناسبتیله سویلمنشدر : « مشکلاتی اعتراف ایدیلان
 بویله بر موضوعك يك بویوك قارغمه لقلری آره سنده داهاز یاده شایان اعتماد بر ره بولونمق لازم
 کور . ایشته ابنای بشری مطرد بر قاعده داره سنده تصدیقه چالیشانلرک بعضلری اوبانده
 اوغرادقلری مشکلاتدن طولایی آنلری (جغرافی جز بلر) دینیه بیله جک بر صورتده بیله
 تقسیمه مجبور قالمشدر . جسمک ده دریمی کی صاحی و بورونک شکلی بیله تقسیمانده معیار
 اساسی طوتانلر بولونمشدر . مع هذا عرقی علائمن صاییلحق ایسته نیان اشکال جسمانیه نك
 چوق کره شخصی قیافتنامه دن عبارت قالدینی ده کورلشدر . برده ابنای بشرک جهانک
 اجزاسی اوزرنده کی سر پیتیلرخی الوانه کوره ایضی ، اصیفری ، اسودی احمری کی
 تقسیمانه تابع طوتانلرک قوللری دخی یکده دقی جلب اتمه به جک درجه ده غیر فی کورلشدر .
 بالاده قفقاسی عرقلک Melanochoi . (قویوبیاض) نامیله تفریق ایدلمش اولان
 جنوبی شعبه سنده (خمیطی) وسامیه عرقلرینک داخل اولدیقه دائر بر اشارتده بولونمش ایدک .
 بز بو موضوعده (سامی) دینان عرقی راهمیت مقدمه ایله تلقی ایده جکمز . (سامی)
 دینان عرقی موجودیت اعتباریله ایکی به آریلور : قدیم و متاخر . اسکی اقوام سامیه آره سنده
 معروف اولانلر شونلر در : عراقک آنوریلری ، سوریه و خطط متجاوره سنک کلدانیلری - که
 بونک شعباتی قسماً آشاغی فرات حوالیسنده و قسماً فلسطین حوالیسنده بولونورلر ایدی ؛

معلومدر (۱) جاهير مجتمعه حكومتى بوندن تقريباً يكرمى سنه قدر مقدم آروپادن كلن وقوميتلى متخالف اولان اشخاص مهاجرهك احوالى تدقيق ايچون بر قوميسيون تشكيل ايتد يرمش ايندى. بوقوميسيون آمريكانك اسكى يريلرن دن بولونان و (قيرمزى ده ريلى) ويا (قيرمزى ايندييالى) ديه ياد ايديلن طائفه لرى حقنده كى تدقيقاتيله معروف (بواس) نام آنتروپولوژى متخصصك رياستنده چالشمش. بوقوميسيونك اصدار ايتديكى لايحهك (حضرت عيسى وعرقلر مسئلهسى) عنوانيله بر انكليز باپاسنك يازدينى كتابده كوريلن برقره سى شايان دقت اولقله التقاطى مناسبدر ظن ايدهرم. فقره شودر :

« آروپا قطعه سنندن آمريقيه كنلرك يكي اقليم ويكى مجاورت نفوذلى آلتنده عرقى وجسمى ماهيتلى بقا بوله يور؛ حقى ابوينك وصولندن بر قاج سنه صوكره طوغان چو جقلر بيله اصلاً آروپالى بولونان بوكيمسهر ايله مقايسه ايدلك كده اساسلى فرقلر اظهار ايله يورلر. بونلرك جسملرن دن هر بر قسمى وحقى قافاطاسى [۲] بيله - كه دائماً ارثى بر فارقه ماديه وجسميه اوله رق ملاحظه ايدلشدر - متأثر اولويور. »

صده رجوع ايدلم :

بعض ارباب تدقيقك تخمينجه آروپانك شمال شرقيسى ايله آسيانك شمال غربييسى يك اوزاق برماضيده باشدن باشه قفقاسى دينلن طوائف بشره سكنا اولمشيدى. اولجه ده اشارت ايدلديكى اوزره بونلرك آجبق رنگلى قفقاسيوندن مركب بولونم لرى اقتضا ايدر. بونلر صوكره دن اشعابات واسعه يه اوغرا مشر در؛ بعضرينك لسانلرينك صنفته ده (آريهن) دنيلمشدر. عرقه دكل لسانه عايدتى داها طوغرى اولان بوتعير صوكره لرى (ايندو اوروپهن) شكنده دخى ذكرايديلور اولمشدر. (آريهن) صنفندن بولونان سلسله السنه يه هندستانك اسكى برديلى اولان (سانمقرت) داخل اولدينى كى اسكى يونانى ولايتنجه دخى داخل بولونورلر. كذلك زمانم زده (آريهن) صنفنه آسيانك فارسى كى بعض لسانلرى ايله آروپانك متعدد السنه سنى ادخال ايدرلر .

[۱] مهاجرت ايچون هر مملكته مخصوص بر عدد سنوى ليستهى تعيين ايدلشدر. آسيادن كلن مهاجرت جريانلرى اوزرينه آمريقا مأمورلى داها شدتلى قييدات وضع ايدرلر.
[۲] آنتروپولوژى اربابنك عرقيت معيارلرن دن تلى ايتدكارى قافاطاسى مناسبيله (آرانده يل) استندم نكرم كو برانكلرك فى قواخره لردن برنده سويله ديكى شوسوز يك عجيبدر: « اك افاقى نقطه سنه قدر بغايت مدققانه صورتده اجر ايديلن قافاطاسى اولچمه سى عملياتى احتمالك صاچلك برهفته لى قدر بويومه سيله آلت اوست ايدلش اوله بيلير ! »

ینه ابداع مدنیت ماده بی مناسبته ذکر ایدمک لازم کله چکی اوزره تقسیمات اصلیه وفرعیه وجهله تصنیف ایدیلن اینای انسان مدنیت حسیاتنک ایلک انکشافاتی صیره لریده اوتوده بروده طایفه جق برشی آرامش و آبی بولمشدر. مبادیده ، نانپرست ، نجمپرست ، حیوانپرست و خلاصه اشیا پرست اولمش ؛ [۱] حال بووجهله ایکن انسانیتک انکشافاتی منازل کاله طوغری کیتدکجه اباطیپرستلک جاذبه سی شوویا بوجهتده تأثیراتی غائب ایدر اولمش و عاقبت شجره بشردن قفقاسی دییه تسمیه اولونان کوکاک جنوب قولینک شعبانندن بولونان و (سامیه) دینیان اجناس آدمیت آرسته نظام روحانیتک ادراک عمیق ایله علاقه دار برفلسفه علویه وجود بولمشدر ، ایمی طوائف سامیه منسوبلری آرسته ایدی که الوهیه دائر اولان ذهاب انسانی تعالی ایدوب کیمش و عاقبت - سلسله تکملات وجهله - موسویت ، عیسویت ، اسلامیت میدانه گلشدر. آلمان مستشرق شهری (ته نودورنوله که) اسلامی مذاهب سامیه نك منطقی صورتده تکمل ایتمش برشکلی دییه توصیف ایدر. واقعا بوکی برینک ایضاحاتی تاریخ ادیان و فلسفه ادیان درسلیرنه عاقدردر ؛ آنجق « اقوام اسلامیه نك آنوگرافیسی » درسنگ مدخلنده اوبایدہ راشارنده بولومتق خارج صدد صایلماز ؛ زیرا صوکرده دن بونجه اقوام افرادینک الهامات روحانیه ومدنیه آلمسته مدار اولان اسلامیتک صدوری عروق سامیه یه یه مکان اولان برجته ارضده وقوع بواشدر .

* *

آنوگرافی

- ۳ -

آنرئوپولوژی و آننولوژی حقنده بالاده ملخصاً و بریان بعض ایضاحاتدن صوکرده اصل موضوعمزه یعنی (اقوام اسلامیه نك آنوگرافیسی) مباحثه یا قلاشمش اولدق . مع هذا

بری طرفدن شرق وغربده استعماله صالح صورتده نشر ایدلمش و اوزمان عتیقندن بری مختلف ملتر آنک صوکرده دن حصوله کلن اشکالی مختلف قالبله صوقه رق کندیلرینه مال ایدمشلردر. هرملتک فصرلردن بری قوللانه کلدیکی حروف اوملتک کندی مالی اولمش دیمکدر. بناء علیه تورکجه ده ایوم مستعمل اولان حروف عربک دکل تورکک مالیدر .

[۱] تبد اباطیلدن ماعدا قومیت اصلیه بی نسبتدن عبارت برحال تقدیس دهاها واردره لسانمه دخی عیناً نقل ایدلمش اولان (توته میزم) بحثنه داخلدر . توته میزم آسیادن زیاده آمریقاده کی طوائف اصلیه آرسته ، آسترالیاده ، بیوک انجار بیده نك برچوق آطلرنده موجوددر. آسیاده اصلاً تورک صاییلان یاقوت طائفه سی آرسته واردر. تورکده کی بوز قورت ماصالی آمریقادن آسیابه گلش فرض اولونور . آمریقا اندیبالرندن ابروکوا طائفه سنده قورت و آبی (توته) دره

كذلك فينكلر ، اسكي عبرانييلر ، قارنازلييلر وسائر اوراق بعض شعبات . شعبه ساميه نك متأخر قوملريني باشليجه يهوديلر ايله عربيلر تمثيل ايدرلر .

نبي اسراييل احقادينك اكثریت عظيمه سی اعصار متأخره ده غربيلشمش اولديني کبی سجايا ، اوصاف ، شمائل قديمه بي خيلي غائب ايتمشدر . مع مافيه غربده بوقدر ساکن بولونميرينه ، بوقدر قان قاريشديرمش اولميرينه رغماً يهوديلکي عيان اولان جماعته (سه ميتيق) يمني سامی اطلاق ايدلمکده در . حال بوکه اونده طوقوزی غرب عالمنده ياشايان يهوديلرک - برجوق يرلرده معين وکنديلرينه خاص شکللری بولونمقله برابر - اصلي صاييلان اوصاف شرقيه ايله وداها طوغريسي آسيائيه ايله علاقه لری قالماش کيديرينه اقوام ساميه دن بولونان عربيلر ايله وجوه افتراقه لری داها عالم نصرانيت ايله احتلاطلردن خيلي زمان اول وقوعه کلکه باشلامشیدی .

اقوام ساميه نك بچشمزده درجه اولاده بر اهميته تلقی ايدلمه سی شووجهله توضیح اولونميليور : مدنيت بشريه نك اساسی قورمه غه باشليجه خدمت ايدن اولاد انسان ايشته اوعرق سامی دينلن دالدين منسبدر . اقوام ساميه يه منسوب اولان انسانلر يابانی بولونان اخزاب بشريت افرا دی آره سنده عرفان غرس وحرثنه خادم اولمشلرويعنی مدنيت احکامی وضعنده براستعداد مبدعانه کوسترملردر . زمانه گوره تشکيلاتی قدرت اداره ، ثروت مدخره ، معلومات مسجله ، مهارت صنایه - نیل واديسنده دخی واقع اولديني اوزره - دجله وفرات حواليسنده مظهر فيض بولونمش اولان حرث عرفانيدن ايلری کلمشدر .

استطراد :

يوقاریده کی فترده کچن « معلومات مسجله » تعبيری مناسبتيله يازينک حدود وشيوع مدنيتيه اولان خدمت ضروريه سنک ماهيتنده کی اهميتک درجه سی تبارز ايدر . نك عتيق دورلرک علامات تسجيليه سی ومثلاً مصر قديمک (هيره غوليف) اسخی ويريان اشارات تجريره سی اسکی طوائف ساميه ساده لشديرمه ک ميل ايتمشلرو بوتشبت تقليبکارانه ده بولونانلرک اثرلرينه اتباعاً وجوده کتوريلن خروفدن داها آزمغلق صورتده اوله رق حصوله کلن الفبان دخی تغيرات زمانيه ومکانيه وجهله ديگر الفبالر ظهوره کلش و حتی بالآخره آوروپاده مستعمل اولان الفبا شکللری بيله اصلاً آنلردن ملتقط اولمش دينيلور . [۱]

[۱] الفبا شکللری یعنی حروف مستطبه سی شيمدی بزده بر اهميت فوق العاده کسب ايله دی . دنيا ده کی اشکال حروفیه حاضره اساس جهتيه نقوش مشعره قديمه دن ملهم اولدقن صوکره اسکی اقوام ساميه دن

جویاناته نظراً آنسوغرافی زمینک تبعی - مدخلده تقدیماً بحث ایله مین اولدیغمز آنسوولوژی حوعلی الخصوص آنترپولوژی ده واقع اولدینی کبی - اویله علم تشریح ، بیولوژی به تعلق ایدن نقاط و مواد قیه نك ملاحظه سته محتاج دکلدنر . آنسوغرافی ده زمین بحث ، تاریخی معلومات وجهله عرقلرک - داها طوغریسی قوملرک - موضعی ، اجتماعی ، عرفانی و بعضاً سیاسی و اقتصادی صفحات حیانیسه مخصص قالور . اسکی طبیعیوندن اولجه اسمنی ذکر ایتدیکمز (پول بروقا) آنسوغرافی بی آنترپولوژی ایچون برتمم تعلق ایتمکله برابر بومبخی جغرافیا ، تاریخ ، فلسفه ، لسانیات کبی علومک دخی کندی فروعاتندن صایه بیله چکینی سویلر .

کچن فقره لردن برنده آنسوولوژی ایله آنسو عرفانی تعبیرلینی بربرینک معناسنده استعمال ایدنلر بولوندیغنه اشارت ایتمشیدک . بزده دخی فرنکجه اولان (آنتیق) ایله (آنسوغرافی) سوزلرینک معنارینی آبی تفریق ایتمه ینلر بولونیور . بز برنجیسی عرقی ویا عرقتدن منبعث ویا خود عرقته متعلق شیلر وایکنجیسی برخلقک اصلیتندن واحوال اجتماعیه سندن منبعث اولان ویا آنلره متعلق بولونان شیلر دییه تفسیر ایده چکمز . معنای عنوانی خطالی صورتده تعلق ایدنلرجه « اقوام اسلامیه نك آنسوغرافیسی » سوزی معین برنجی مشعر صایلمه یه بیلور . فی الواقع اسلامیتده مختلف دیارلره شامل اولان شی ، جسم عرقی دکل دهسای روحانیدر . لکن شوراسی ده تمیز ایدمک لازم کلورکه آنسوغرافی دیدیکمز شی تشکلات عضویه رابطه لردن تعبیر دیگرله روابط جسمیه دن آزاده صورتده مختلف احزاب ناسدن بحث ایدر ؟ یعنی بوراده آنسوغرافینک اصل بحث ایده چکی شی عرقلرک دکل قوملرک احوالیدر . (پول بروقا) کبی طبیعات عالمیری عرق و قوم ماده - لرینک ساحه لرینی داها بدایتدن آیرمشلردی . عرق مسائلنی (آنسوولوژی) کندی دأره بحثنه آلدینی کبی (آنسوغرافی) دخی قوم مسئله لرینه زمین بحث عرض ایدر . آنسوغرافینک مقصدی متعدد قوملرک برلرندن مستقل وضعیتده تلقیلیدر . خلاصه آنسوغرافی (قوم) نامی آلتنده ذکر ایدیله بیان ناس کتله لرینک اجتماعی ، سجیوی ، سیاسی کبی وضعیتلرله اشتغال ایدر .

مادامکه عرق و قوم کله لری آره سنده کی فرقدن بحث ایتدک ؛ آرتق ابنای انسانک درجات انشعابی حقنده برتدیقمده بولومغه لزوم حس ایدررز . آنسوغرافیجه انشعابک درجه لری بعض عنوانلر آلتنده طائمشلردر . بو عنوانلری ویا عنوان شکلنده اولمق اوزره

موضوع اصلینک موادی اوزرینه تحریات و تدقیقاده بولونماز دن اول علی الاطلاق (آنوگرافی) به دائر بعض بیانات مقدمه اجرامی لازم کاور . (آنوگرافی) تعیری غرب علماسی طرفندن اون سکیزنجی قرق میلادینک صوکلرنده احداث ایدلشیدی . لسانمزده - بعضاً آنوگرافیا صورتنده استعمالی التزام ایدیلن - بو سوزک افهام ایتدیکی شی همزجه معلومدر ؛ لکن اکثریله بیایدیکمز شی بو سوزک آنحوق معنای سطحینسیدر . بناءً علیه بونک مفهوم علماسی حقیقه استیضاحه حاجت حس ایدمزر . توضیح معنا ایچون المزده کی لغت کتابلرندن برقاچه شویله بریاقویورلم :-

فرانسزجه لغتلك معروفی بولونان کوچوک (لاروص) آنوگرافی تعیرینک ایکی یونانی کلمدن ترکب ایتدیکنی کوسته رر ؛ بونلرده (آنوس) ایله (غرافهین) سوزلریدر . آنوس - آنولوژی بختنده دخی کوردیکمز وجهنه - خلق ، امت ، اهالی کبی سوزلرله تفسیر اولونه بیلور ؛ غرافهین کلمسی ایسه تحریر و تسطیری بیان ایدر . مذکور لغت کتابنه نظراً آنوگرافی تعیری شویله ایضاح ایدیله بیلور : « مختلف امتلری - فعالیت ماده لرینک تظاهری جهتندن - تتبع و تعریف اتمکدر . » کندی نژدمده بولونان انکلیزجه بر لغت کتابنه [۱] نظراً آنوگرافی « کره ارضک اقوامنک علمی صورتده تعریفی ، در . شمس الدین ساحی مرحومک فرانسزجه دن تورکجه یا اولان لغتنده بو تعیرک افهام ایتدیکی شی « ام و اقوامک تقسیماتندن و هر برینک نژم لرده ساکن بولوندیغندن و طبایع میزه لرینک نهلردن عبارت اولدیغندن باحت علم ، در .

آنوگرافی بی « حدود عریقه نك ، طائفه لرك ، عشیرتلك علمی صورتده تعیین هویتلرینه مخصوص بر بحث ، دییه توصیف ایدلرده واردر .

آنترولولوژی علمی اربابی طرفندن بشرک انکشافات طبیعه سنه دائر تعیین ایدلش اولان ساحه بختک خارجنده بولونمق اوزره آنوگرافی اربابی محض حکمت و اله بانک تمیز ایتدیکی روحلی و وجدانلی نجی بشر حزبلرینه مشغول اولور . آنولوژی حقیقه مفصل بر اثر مؤلفی بولونان (کین) نام ذات آنوگرافی ایچون « فن دکل بر نوع ادبیاتدر . [۲] » دییور .

Chamber Dictionary [۱]

[۲] ادبیات سوزینک بزده شیمدی به قدر قوللانیدینی معنی پک طار ایدی ؛ آثار شعریه و یا شاعرانه محررات نثریه وحتی بعض فضلجه حساس کیمسه لرك دوشونجه لرینی طمطراقلی لافلرله ترین ایتک ایسته دکاری یازلر معنا سنده قوللانیشیدی . شیمدی باشقه لسانلرده اولدینی کبی ادبیات کلمه سنک معناسی لسانمزده دخی شمولی صورتده آکلاشمقده در : ادبیات شعریه ، ادبیات تاریخیه ، ادبیات نیه ، ادبیات سیاسییه کبی تمیزلر هر کون چیقان یازلر مزده کورلمکده در .

اسلامیتده عرق وقوم

درسزك عنوانی اولان (اقوام اسلامیه آنسوغرافياسی) اوج سوزدن ترکیب ایدیور. بونلردن آنسوغرافی وقوم کله لری حقنده ایدیلن بیانات مقصدی ایضاحه کافی گلشدزظن ایدهرم. شیمدی برارده عرقیت وقومیته اولان نسبتی جهنتدن (اسلام) سوزی حقنده ملاحظانده بولونلم.

اول امرده شویله برسؤال وارد اوله بیلور: کره ارضک برچوق جهتلرنده ساکن اولان ومختلف عرقدن کن بشریت کتله لریته منسوب حدسز حسابسز افرادی عجباً اسلامیت دائره انتسابنه نصل آله بیلدی؟

بومسئله نك تدقیقی ایله الك بیظر فانه مشغول اولان انکلیز مستشرق فاضلی پروفه سور (آرنولد) «موعظه اسلامیه» عنوانلی کتابنده [۱] اسلامیتی (ماکس موله ر) نام عالمک قولنه اتباعاً دنیانک میسیونه لری دینلرندن صایار؛ حال بوکه میسیونه لک دینلن شی - غرب خرسیتیانلی کنیسالرینک [۲] فعالیتلرندن آکلایه بیلدیکمزه کوره - کفایتلی، قوتلی، منتظم تشکیلاته استناد ایدر. اسلام جهاننک هیچ برینده تشکیلات مقتدره لی میسیونه لرکلر کورولمه مشدر. شوقدرکه «هرآبی مسلمان کنایه باشنه بر میسیونه درده» سوزنده بویوک برخاصه حقیقت وارد. صمیمیتله دیندار اولان مسلمانلردن برچوقلری اسکیدن - وبعض مملکتلرده بوکون بیله [۳] اسلامیتک نشری ایچون چالیشمشلردر. اسلامیت کندیسنه خاص اولان احکام اجتماعیه نك تأثیراتیلده طوغریدن طوغری به سالکلر جذب ایدر. بوتون ادیان ملهمه اولاد انسانیت ایچوندر. ایمدی انسانیته سکنا اولان یرلر اسلامیه دخی سکنه اوله بیلورلر. علوی برهؤسسسه دینه ده دهای روحانی بولونور؛ اسلامیتده ایسه بودهای روحانینک بالغاً ماباغ موجود اولدیغنی غرضکار اولمایان هر فرد مدرک وعارف تسلیم ایدر.

[۱] بوکتاب طرف عاجزیدن لسانمه ترجمه ایدلش وناشرینک آرزوسی وجهله (انتشار اسلام تاریخی) عنوان جدیدی آلتنده میدان قرائته فونمشدر.

[۲] فرانسزجه (Eglise) وانکلیزجه (Church) کله لرینک ایکی دورلو معنایه کلده لری معلومدر: بوکله ل هم معبد همده مؤسسسه مذهبیه معنالی افاده ایدرلر. اسلامیتده رهبانیت بولونمیدنن الله ایله قولی آره سنده توسطه خادم بر مؤسسسه مذهبیه ده یوقدر. خرسیتیانلک معبد معناسنه کن (Eglise) کله سنی «کلیسا» ومؤسسسه مذهبیه معناسنه کن (Eglise) تعبیرینده «کنیسا» دیه فریق ایتمک مناسبدر ظن ایدرم.

[۳] هندستانده بعض مسلمانلرک وخاصة احمدیلرک بوبابده کی فعالیتلر شایان تقدیردر.

قولانیان تعبیرلی بعض علما ایکیه تقسیم ایدیورلر بر قسمته « معین » دیگر قسمته ده « غیر معین » دیورلر. معین اولانلر « قرابت » موجودتی حقیقده ذهنه بر فکرالقا ایدورلر. بونلر آرهسنه عرق ، عائله ، شعبه ، نسب ، عشیرت ، طائفه کی تعبیرلر داخل ایدیله بیلورلر. غیر معین اولانلره کالنججه: بونلر « قرابت » فکری احتوا ایتمزلر و باشلیجه لری شونلر دورته جماعت ، حزب ، سکنه ، اهالی ، ملت ، قوم .

بومعین و غیر معین تعبیرلردن بختمزده اکثریاده استعمالرینه حاجت کوریلنلر شونلر دورته عرق ، قوم ، ملت . « عرق » اصلاً بر کو کدن مشترکاً کلمت معناسنی تضمین ایدور و بناء علیه اساساً برقان وحدتی افاده ایلر ؛ یعنی اصلیتده بر ویا عین عائله دن انبعاث ایتمک ویا انبعاث ایدلدیکی فرض اولونمق دیمکدر. قاریشیق اولان و بعضاً فرضیانه مستند بولونان « عروق بشریت » مسئله سنک تحلیل و تعیینی آنتوگرافییه عائد اولماز . دیگر طرفدن دخی آنتوگرافییه عائد اولان « قوم » سوزی اولدقجه اعوجاجلی بر تعبیردر ؛ اولاد بشریتدن بویوک بر قسمک فروعات مرتبطه سنی افاده ایتمک اوزره قولانیلور . « قوم » کله سنی « ملت » سوزیله قاریشدر ماق لازم کلور. بونک برنجیسی ایکنجیسندن داها واسع و داها شموللی بر معنایی حاوی اولور . « قوم » - کرک برلکده یاشایه بیان کرک باشقه باشقه حاکمیتلرک حوزه تابعیتلرنده کی ناس کتله لرینی محیط اولان - بر جماعت شامله بولونمق اوزره ملندن تفریق ایدیله بیلور . ملت ایسه معین بروطنک بوتون اولادنن مرکب اولان خلقی احتوا ایدر . تعبیر آخرله معین بر مملکت ایچنده معین بر حاکمیت و معین اصول سیاسییه تبعاً یاشایان خلقک هپسینی شامل بولونور . بناء علیه وحدت ملیه ، مماثلت اصلیه عرقیه معناسنی تضمین ایتمز . مع مافیله بویله بر خلق ویا اهالی آرهسنده اصلیت عرقیه وحدتی بولونمامش اولسه بیله او خلقک عناصر مشتمله سنی تدریجی صورتده مزج ایتمه سی طوللا . یئسیله عرقی آکدیرر بر وحدته طوغری کیتمه سی اوزرینه هموصفلق (Type) حصوله کلور ؛ چونکه کافی درجهده اوزون مدت بر اداره سیاسییه تابع قالمقن طولانی « ملت » وحدت ظاهریه یه ، عادات اجتماعیه نیک بر معیار مشترکنه ، متشابه منافع و آمله ، مشترک ادبیاته و جوق کره عین دیانته [۱] مالک بولونور .

[۱] بزده اسکیدن باشقه باشقه قوملره منسوب تبعه نیک جذب قلوبیله ملیت حاکمه تقلیفنه اک جوق حامل اولان شی دیانت بولونمشیدی؛ اسلامه کله یین افراد تبعه ایسه تورک ملیتیله بالطبع قایناشه مایوردی - اسلامیتک ملتیزک تزیاید افرادینه پک بویوک یاردی طوقوندیشده جدی اولان ارباب تدقیقه نیک جله سیده متفق الرایدور .

بوراده اسلامیت و عرق مسئله سنن مناسبتیه استطراداً سویلنه جك برنقطه داها واردرد؛ شویله که: مدنی برجیات تعقینده علی الاطلاق نبی بشر افرادینك سلوکلرینه معروض بولونان بونجه مدهبلر آره سنده دورلو دورلو اقوام بشریه افرادینی مختلف اقطار جهانده صرف بالذاته حائر اولدینی نفوذ معنوینك تأثیریه دائره انتسابنه جلب ایتمش اولان و بر چوق یرلرده - بعض نصرانیت غریبه مرکز لرنده بیله - حالاده جلب ایتمکده بولونان اسلامیتی « عرب دینی » دییه تخصیصاً توصیفه قالدیشانلر من کوریلور . اورته به سوریان بوقول مجرد هیچ شبهه بوقدر که ارباب علم و ادراکك ذره قدر قیمت تلتی عطف ایدمه به چکی هزیان سوزلردندر . جهانشمول مذاهب آره سنده اسلامیتك الك زیاده کندی نفوذیه متعدد اقوام بشر آره سنده قائم اولدینی انکار و اعراضه هیچده کلمه یں حقیقتلردندر .

اسلامیت داها بیدایت ظهوری دینیه جك سنه لر ایچنده حدود عرقیه یی آشوب پك اوزاق یرلرده کی طوائف بشرک مخیطلرینه قدر طاشوب کیشمدی . پروفه سور (آرنولدك) پك محق اوله رق دیدیکی اوزره رسول السلام - فتوحات مسلکینک عربلر طرفندن آنخاندن داها اول - اسلامیتك عرب قومنه مختص قاله مه به جغنی صراحتاً تعیین ایتمدی . اسلامیتك بین الامم بر صفت مقبولیتی حائر مؤسسات معنویه و اجتماعیه دن بولوندیغنی متعرف بر چوق غرب مدققلری واردرد . بو اعترافك صوک مثاللرندن بری پك زیاده شایان دقت اولدیغندن بوجه آتی نقل ایدیلور :

« بین المللی میسیونرلک » عنوانی آنتده کی آنغلو ساقسون ره بانیتی مؤسسسه سنک اسلامیتی حارصق قصدیه نشر ایتمکده اولدینی آثار آره سنده اخیراً (بوکونکی اسلام جهانی) دییه بر کتاب چقمشدر . هر بر فصلی صاحب علم و تجربه بر باباس و بابایاس ذهنیتلی محرر طرفندن یازلمش اولان بوائزك « اسلامیت و مسئله عرقت » نام فصلی انطاق حق قبیلندن اولمق اوزره هولاندالی مستشرق معروف (ایشنوق هوورغونیه) به یازدی رلمشدر . [۱]

بو محرر مذکور فصلده دیر که : سنجیه ، بر آدمك طوغمه سندن اوله سنه قدر یاقه یی قور تاره مادینی برشیدر و کره ارض سکنه سنك ترایدی ایله مسافات جهانك - یکی واسطه لر طولایسیله - قیصالمه سی آتی قریبده عرق اختلافك داها زیاده چیتیلنه شه جکنه قطعی علامت لر تشکیل ایدر . قون عرقت بومسئله نك وضوحه تنظیمنده بز معین اوله مه به جق درجه ده یکی بخشلردر . واقعا آنتروپولوژی ، مقایسه السنه علمی ، آنولوژی و سائر عرقت فلرینك محرالرینی تعیینه خادمدرلر ؛ فقط فنونك وضع ابتدیی عرقت معیارلری دائماً ده کیشوب

[۱] بوزات هولاندا حکومتك مستملکات نظارتی امور شرقیه مشاوریدر .

اسلامیت عرق ، لسان ، رنگ فرقلری کبی شیلری احوت انسانیه یولنده عارضه اوله رق تاتی ایتش اولدیغندن ساحه اجتماعیه سنده آنله بر بر اقامشدی . نیته کیم بو کیفیت شو آیت کریمه دن استنتاج ایدیله بیلور :

ومن آياته خلق السموات والارض واختلاف السننكم والوانكم ان في ذلك للآيات للعالمين
اسلامیت نفوذ روحانی شو ویا بوقطعه عالم سکنه سی ، شو ویا بو عرق بشر منسوبلری ایچون دکل بوتون انسانیتک اختیاری ایچون عرض ایتشدر . بناءً علیه علوی بر دین طو متقی ایستین اولاد انساندن بر چوققلری آتی قبول ایدیلور لر ؛ نیته کیم بو بیانات شو اوج آیت کریمه نك معنایینک دلا تلیله ثبوت بولور :

لا اكرام في الدين. ان في هذا لبلاغاً لقوم عابدين. وما ارسلناك الا كافة للناس بشيراً وناذيراً
بوتون افراد انسانیه یی نفوذ مذهیبیلری البته آلمق ایستین نصرانیت کینسایرینک ویا خصوص بومقصده خاریل خاریل چالیشان ، یک بو بوک و مادی فدا کارا قلمر یایان و حتی علم و مدنیت تامنه شرقده دورلو دورلو مغالطه و سفسطه ارتکاب ایدن امیر بالیست آنغلو - ساقسون ارباب کینساییه سنک مساکلری اسلامیتجه مقبوحدر [۱] چونکه خلاق متعالم حکمی ازلدن بری اجبار صورتنده تجلی ایتمه مشدر . رب العالمین اکر اویله مراد ایتش اولسه ایدی اویله تجلی ایدردی . نیته کیم بو حکمت ازلیه شو آیتک مفهومندن مستفهم بولونور :

ولو شاء الله لجمعهم امة واحدة

اون طوقوزنجی قرن میلادینک نصف اخیرنده آوروپانک انکشاف عرفانیسی تاریخی حقیقده شخرد بر اثر یازمش اولان آمریقالی (دره بیهر) نام مؤلفک برسوزی بومناسبتله تحطیر ایدلمک شایاندر ؛ بومؤلف دیرکه « اسلامیتک کتاب مقدسی - ملاحظات اخلاقیه واحکام انسانیتکارانه نك - علویلری احتوا ایدر . آنده اویله امثال نقطه لری بوله بیلور زک بولنری تبصوب ایتمین بر فرد مدرك و منصف یوق کیدر . آنک اصول واحکامی افراد انسان ایچون علی العاده حادثات حیانییه اویغون دوشر . [۲] »

[۱] اسلامده کی لا اکرام فی الدین سی الهمیسنه مقابل خرستیانلقد « هر طرفه کیده جکسک و بوتون افراد عالمه انجیلی تمیم ایدیلجکسک » امر . قطعیسی واردرکه کینسا منسوبلری بونک اجبار معناسنی ملهم بولوندیغنی اعتراف ایدرل .

[۲] ینه بو آمریقالی مؤلفک (دین ایله فن آره سنده تضاد) عنوانی بر اثر مهمی واردرکه وقتیه لسانزه فرانزجه ترجمه سندن احمد مدخت افندی مرحوم طرفندن نقل ایدلشیدی . طوغریجه انکلزجه اصلندن ترجمه ایدیله مه سی اثرک قیمت اصلیه سی زده مشدر .

فی الواقع طبیعیات بحلرینک حارجنده اوله رق تدقیق ایدلمش بولونسه بیله ینه بر قومک جاهیت روحیه سی و حکمت اوصاف اجتماعی سی تحری و تدبج اربانی شاشیردا جق قدره تملق بر مسئله کورنور . بر قومی تشکیل ایدن شعبات طوائفدن هر برینک هویت مخصوصه سی بیله متناقص حادثات طامله دن متأثر اوله کلشدر .

بشریتک بر منزل مدنیته وصولدن سوکره تاریخ انسانیته کورلمک باشلایان بونجه حادثات روحیه لردن بری ده اسلامیتک ظهوری صورتنده تجلی ایتشدی . اسلامیت یالکز روح بشرده بویوک بر تحول اجراسیله قلاماش ؛ برده آنک بالذات حاوی اولدینی نفوذ حزبیه اساساً بک قاریشمش اولان هویت عرقیه ماده سفی بر درجه داها اغلاق ایتشدر ؛ چونکه آنک احکامی مقتضاسنجه عرق ورنک کبی فازه لره اهمیت ویرلمه دیکندن وضع اولوان طریق وحدانیته کیرن هر بر جنس افرادی آره سنده بر قرابت معنویه تأسس ایتمش وبومقارنت روحیه خیلیدن خیلی به مجانست عرقیه بی مروج اوله کلدیکندن جامعه اسلامیت داخلنده فارقه عرقیت باغلی کوشر اولمشدر . اسلامیتک سالکری مبادیده بر شوق فعالیت ایچنده زمین علوم کبی حدود ممالکی دخی سرعتله استیلا ایتمش اولدقلرندن مسلمانلر تصادف ایله دکگری هر جنس بشر افرادندن بر چوقلرخی کندی عضویت سیاسیله برینه و شخصیت معنویه برینه مزج ایدرلردی .

مسلمانلق احکامی اتخاذا ایدن دولتلرک بایراقلری آلتنده مسلمان امتلری وجوده کلشدردر . بو باده کی محاکماتی توسیع ایتک موضوعمزنک حدودندن او زاقلاشمق کبی بر شی اولورایسه ده ینه هر حالده اشارتنه بومناسبتله حاجت حس ایدیله جکی اوزره اومسلمان دولتلری جهت جهت قدرت سیاسیله لرخی غائب ایدر اولمشلردی ؛ قدرت سیاسیله نك ضیاعنه باشلیجه سبب اولان حال دخی اسلامیتک - زمانزده « ده موقراسی » دییه طانیلان اصول سیاسته مطابق - احکامنه رعایت ایده مه بن امرا نك تفرد محترسانه بی و تحکم مطلقیتی کندیلرینه بر دستور اداره اتخاذا ایتمش اولملری ایدی .

هیچ شبهه یوقدرکه بر خلق ایچون ترقیات متبادیه آنجق حریت ایچنده یاشامقله ممکن الاجراددر . ناسک حریت مشروعه سنه مراعات کوسترن دولتلر ترقیات ملیه به خدمت ایتمش اولمقله مظهر اعتبار اولورلر . ابتدالرده پارلاق صورتده تدویر امور ایدن امویلرک عربونلردن اندلس طاقنک ، عباسیلرک ، دهاصوکره آسیانک اورته لرزنده وهندستانده تأسس دولت ایدن تورک و تاتار امرا سنک و کذلک عثمانلی حکمداراننک وسائر نك تراجم

کیتمدهدرلر . تقرب ایتمکده اولان عرقیت بحر انلرینک ر فعلری ایچون مقتدر ارباب اختصاص طرفندن اتحادی توصیه ایدیان تدبیرلر پک زیاده انقلابجویانه و پک خوشونتلی شکلهدرلر بواحوال تچتنده انسان حل مسئله ایچون تاریخدن نور دلالت آراشدیرمه مجبوریته حسن ایدیور؛ چونکه عرقیت اختلافری ماضی بعیددن بری حل ایدلک احتیاجنه معرض قاله کیشلردر . اهل اسلام کبی بویوک برین الام جماعتک بومسئله حقنده کی وضعیتی تتبع ایتک بزله درس عبرت ویرمکدن خالی قاله ماز . . دین اسلامک اساسی اوزرینه وضع ایدیان جمعیت ام اصولی انسان عرقزینک قاعده مساواتی اویله بر خدتیله ملزم بولومشدر که بوده باشقه جماعتلری بعینه اصوله مالک اوله مامقدن طولای اوتاندیرسه کر کدر .

فی الحقیقه عروق بشرک مقارنتی مفکوره سنه مسلمانلر دیگر جماعتدن داها اول استیناس حاصل ایتشلردی .»

ایشته کوریلدیور که اسلامیت اویله عرقیت فارقه سی ایله ال آله کیتمز . کوزلر ضری خریطه عالم اوستنده شویله بر کزدیره لم . ایشه سنزه غرب میسیونه ر لکری جمعیتلرندن بریسی طرفندن ترتیب ایدلمش اسلام عالمی خریطه سی ؛ بوکا کوز کزدیریلنجه آکلاشیلور که انسان اولادینک یا شادینی هر نقطه جهانده اسلامیت عرض موجودیت ایده بیلور . اسلامیتک دیگر اقسام جهانده اولدینی کبی - نصرانیت غربیه نک حکمی جاری اولان یرلرده دخی کافیه زمین توسع بولماسی اویرلرده اسکی زمانلردن اعتباراً کولکشمش اولان کنیسا حکمی اصحابنک بونجه عصرلر سورن پک متصبانه قیصقا بچلغندن و بناء عایه نفوذ اسلامیه قارشو آچه کلدیکی بی آمان بر جدال امحادن طولای ایدی . اک عالم واک معتدل الافکار صاییلان کنیسا مؤلفلرینک آتارنده بیاه اسلامیت علیهنده سوء تأویلات و خشونت بیاناتدن ماعدا چیرکین افترا لره ده تصادف ایدیلور . آنلرک اوزون سورن اومقوله مساعی رقیبانه لرینه رغماً « بیاض رنگلی » دییه تلیقب ایتدکری اقوام غربیه افرادی آره سنده دخی صوک بطنلرده اسلامه کلنلر کورلمشدر .

عرقده صافیت ماده سنک برچوق عوامل طبیعیه و سوائق اجتماعیه دن طولای قبل التایخ زمانلردن بری محافظه ایدیله مه مش اولدیغنه دائر بالاده بر اشارتده بولونمش ایدک . آنتر و پولوزی علمی انکلیز متخصصلرندن (مارده) نام ذات تثبیت عرقیت حقنده کی مشکلاتی آتیان ایچون « کاشکی انسانک یا کیه مه یه جنی صورتده آشکار بر علامت فارقه بولونسه ایدی » دیمشدر .

احوالنده هب اوتغلب مطلقيتك قدرت سياسيه اوزرينه اولان تاثيرات انحلاليه سي كوريلورده بر قاچ عباره يوقايرده افراد امتك حریت مشروعه سنه رعایت ایدن دولتلك مظهریتنه دائر بر اشارتده بولونمش ايدك . بوراده شوقظه يه دخی اشارت ایدم كه مطلق و خودسرانه اداره ايله حریت شخصیه برلكده بورومز و افرادك حریت مشروعه سنك امین اولمادینی يرلرده وجدان عمومی تیغظه كلز ؛ وجدان عمومینك اویانمادینی يرلرده امتك نه اراداتی نافذ اولور نهدم تمایلاتی مصیب . البته اوکی يرلرده حسیات عامه را كدقالور . حسیات عامه سی حال توقفده قالان برهیت اجتماعی بالضروره غیر مترقی بر حالده طورر و غیر مترقیك ایسه قدرت سیاسیه نك زوالی دعوت ایدر . ایسته آوروپا ملتارندن بعضیسنك سرعت كامله ايله ترقی ایدوب كیتدكری دورلرده مشرق اسلام ملتارندن بر چوغنی يرلرنده صایوب طور یورلردی . بو حالك نتایج وخیمه سی بوراده تفصیله حاجت مس ایتمز .

بوكون دنیاده - معنای سیاسی و مفهوم استقلالیسی ايله - مسلمان ماتی صفتی ویریه بیله جك جماعات معینه نك عددی بك آزدر . لکن «قوم» سوزینك بالاده ذكر ایتدیكمز معنای علمیی داخلكه كیره بیله جك مسلمان كتله لری ايله اقطار جهانك بر خیلی مهم جهتلری طولیدر . ایسته بز بودرسده مسلمان كتله لرینك - داها طوغری بر تعبیر اولوق اوزره مسلمان قوملرینك - آنوغرافیلرندن یعنی ماهیت اجتماعی لرندن و - اگر تعبیر جائز ایسه - ترجمه حال لرندن بحث ایدم جكز . طبیعی اهمی مهمه تقدیم لازم كاه جكندنه نظر مطالعه منزی اکثریتله اك مهم اولان مسلمان قوملرینك ماهیتلرینه عطف ایدم جكز . بحثلر منزی اسلامیتك بی بشر احزابی آره سنده کی قدم انتشارینه كوره بر سلسله ترتیه صووق اك مناسب بر طریق تدقیق التزام ایتمكدر ظننده بولوندم ؛ ایسته بو ذهابدن طولانی اول امرده عرب قومندن بحث ایدم جكم .

فایل مقاله

